


冊府元龜

七百八十一之三



漢書門	五三四五	二七	三〇〇
類	函	架	冊

漢書	五三四五	三〇〇	二七
冊	架	函	冊

內閣文庫	
番號	漢 5345
冊數	300(235)
函號	365 6

卷之三十五



冊府元龜

淺草文庫

淮南李嗣京參閱

西極文翔鳳訂正

豫章黃國琦較釋

總錄部 三十一

節操

夫雪霜大摯知松栢之後凋風雨如晦識鷄鳴之不
已蓋士之立誠自守秉節無貳同夫介石至于沒齒
者其若是乎東周之後西漢而下乃有顧義遺利守
識求舊居無苟合動不踰矩挺操而罔屈虞亂而匪

汗深拒權侍絕鯁驕餌意趣非偶靡降心而與游才
任過分必投劾而引去鄙斥邪佞保全名節凜然之
槩聳於前聞卓爾之行冠乎群萃非夫天爵內富性
理冥合蹈道而經德秉彝而守正又曷能篤志終始
確乎不拔者哉

鄭太子忽齊侯欲以文姜妻之忽辭人問其故太子
曰人各有耦齊大非吾耦也詩云自求多福在我而
已大國何為君子曰善自為謀及其敗戎師也齊侯
又請妻之固辭人問其故太子曰無事於齊吾猶不
敢今以君命奔齊之急而受室以歸是以師昏也民

其謂我何遂辭諸鄭伯

假父之命以為辭

高衰宋大夫為蕭封人以為卿

蕭宋附庸仕附庸還外為卿不義

宋公而出遂來奔魯

出而侍放從放所來故曰遂

書曰宋子哀來

奔貴之也

貴其不食汗若之祿碎禍速也

楚鍾儀伶人也晉侯觀于軍府見鍾儀問之曰南冠

而縶者誰也

南冠楚冠縶拘執

有司對曰鄭人所獻楚囚也

使稅之

鄭獻鍾儀在十年稅解也

召而弔之再拜稽首問其族對

曰伶人也

伶人樂官

公曰能樂乎對曰先父之職官也敢

有二事

言不敢學他事

使與之琴操南音

南音楚聲

公曰君王何

如對曰非小人之所得知也固問之對曰其為太子

也師保奉之以朝于嬰齊而夕于側也嬰齊令尹子重側司馬子

及言其尊鄉敬老不知其他公語范文子文子曰楚囚君子

也言稱先職不肯本也樂操土風不忘舊也稱太子

抑無私也合其近事而遠稱少小以示性所自然而至誠名其二鄉尊君也

尊晉君也不肯本仁也不忘舊信也無私忠也尊君敏也

敏達也仁以接事信以守之忠以成之敏以行之事雖

大必濟言有此四德必能成大事君盍歸之使合晉楚之成公從

之重為之禮使歸求成

閔損字子騫季氏使為費宰費季氏邑季氏不臣而其邑宰數畔聞子騫賢

故欲用之也閔子騫曰善為我辭焉不欲為季氏宰語使者善為我辭說令不

復召我者重復我者重則吾必在汶上矣去之汶水

上欲北

顏叔子獨處于室鄰之發婦又獨處于室夜暴風雨

至而室壞婦人趨而至顏叔子納之而使執燭放乎

且而燭盡破屋在繼之自以為辟嫌之不審矣一云魯人

有男子獨處于室鄰之發婦又獨處于室夜暴風雨

至而室壞婦人趨而託之男子閉戶而不納婦人自

牖與之言日子何為不納我乎男子曰吾聞之也男

女不六十不同居今子幼吾亦勿不可以納子婦人

日子何不若柳下惠然不拒速門之女國人不擗其

亂男子曰柳下惠則可吾固不可吾將以吾之不可

學柳下惠之可

漢朱建楚人嘗為淮南王黥布相為人有力辯刻廉

冊子元龜摠錄節

卷之七

三

剛直行不苟合義不取容辟陽侯行不正得幸呂太后欲知建建不肯見

趙禹為人廉倨

倨亦傲也

為吏以來舍無食客公卿相造

請禹終不行報謝務在絕知友賓客之請

以此意告報公卿

孤立行一意而已後為燕相免歸

嚴彭祖宣帝時為博士至河南東郡太守以高第入為

左馮翊遷太子太傅廉直不事權貴或說曰天時不

勝人事君以不修小禮曲意下貴人左右之助經誼

雖高不至宰相願少自冠強彭祖曰凡通經術固當

修行先王之道何可委曲從俗苟求富貴乎

雋不疑為京兆尹大將軍光欲以女妻之不疑固辭

不肯當

任安田仁俱為衛將軍舍人衛將軍從二人過平陽

公主家令兩人與騎奴同席而食此二子拔刀劍斫

席別坐王家皆怪而惡之莫敢呵

蕭望之字長倩東海蘭陵人也好學治齊詩經京師

諸儒稱述焉是時大將軍霍光秉政長史劭吉薦儒

生王仲翁與望之等數人皆召見先是左將軍上官

桀與蓋主謀殺光光既誅桀等後入自備吏民當見

者露索去刀兵兩吏挾持

索搜也露形體而搜也

望之獨不肯

聽自引出閣曰不願見吏牽持句句光聞之告吏勿
 持望之既至前說光曰將軍以功德輔切主以流大
 化致於治平令太平之化通治四方也是以天下之士延頸企踵
 爭願自効以輔高明今士見者皆先露索扶持恐非
 周公相成王躬吐握之理致白屋之意周公攝政一沐三握髮一飯三吐餽以接天下之士白屋謂白蓋之屋以茅覆之賤人所居於是光獨不除用
 望之而仲翁等皆補大將軍史三歲間仲翁至光祿
 大夫給事中望之以射策甲科為郎射策者謂為難問疑義書之於策量其大小署為甲乙之科列而置之不使彰顯有欲射者隨其所取得而釋之以優劣射之言投射也對策者顯問以政事經義令各對之而觀其文辭定高下也署小苑東門候署補署也

門候至候時而開閣也

仲翁出入從蒼頭廬兒

皆官府之給賤役者也解在貢

禹下車趨門傳呼甚寵

趨向也下車而向門傳聲而呼待從者甚有尊寵也

願

謂望之曰不肯錄錄反抱關焉

錄錄謂循管也言望之能隨例搜索以違

循執政不得大官而守門也

望之曰各從其志後位至前將軍

後漢孔休自哀帝時為新都令後王莽秉權休去官
 歸家及莽篡位遣使齎玄纁束帛請為國師遂嘔血
 託病杜門自絕光武即位求子孫賜穀以旌顯之
 桓譚字君山哀帝時董賢為大司馬聞譚名欲與之
 交譚先奏書於賢說以輔國保身之術賢不能用遂
 不與通後為六安丞

薛方為郡掾祭酒嘗徵不至及王莽以安車迎方方因使者辭謝曰堯舜在上下有巢繇今明主方隆唐虞之德小臣欲守箕山之節也使者以聞莽說其言不強致

譙玄為繡衣使者持節分行天下未乃終而王莽居攝玄於是縱使者車變易姓名間竄歸家因以隱遁車茂為京部丞及王莽居攝以病免歸與同縣孔休陳留蔡勳安衆劉宣楚國龔勝上黨鮑宣六人同志不仕莽世並名重當時

蔡勳字君嚴邕六世祖也好黃老平帝時為都令王

莽初受以厭戎連率

王莽改隴西郡曰厭戎郡守曰連率

勳對印綬仰

綬仰天歎曰吾策名漢室死歸其正昔曾子不受季孫之賜况可二姓哉遂攜將家屬逃入深山與鮑宣卓茂等同不仕新室

宣秉字巨公少修高節顯名三輔哀平之際見王氏據權專政侵削宗室有迹亂萌遂隱遁深山州郡連召嘗寢疾不仕王莽為宰衡辟命不應及莽篡位又遣使者徵之秉固稱疾病建武初始為大司徒司直杜林字伯山初為郡吏王莽敗盜賊起與弟成俱客河西隗囂素聞林志節深相敬待以為持書平後因

疾告辭還祿食囂復欲令彊起遂稱疾篤囂意雖相望且欲優容之

望猶恨也東觀記曰林寄囂地終不降志辱身至簪蒿席草不食其粟

乃出令曰杜伯山天子所不能臣諸侯所不能友蓋

伯夷叔齊耻食周粟令且從師友之位須道開通使

順所志林雖拘於囂而終不屈節後位至大司空

崔篆王莽時為建新大尹不得已單車到官稱疾遂

去建武初朝廷多薦言之者幽州刺史又舉篆賢良

篆自以宗門受莽偽寵慚愧漢朝遂辭歸不仕

蔡茂表平間遷侍中遇王莽居攝以病自免不仕莽

朝會天下擾亂茂素與竇融善因辟難歸之融欲以

為張掖太守固辭不就每所餉給計口取足而已

胡剛清高有志節大司徒馬宮辟之值王莽居攝解

其衣冠縣府門而去遂亡命交趾隱於屠肆之間後

莽敗乃歸鄉里

邳暉王莽時左隊大夫逮普

逮姓也

署為吏暉不謁曰

昔文王拔呂尚於渭濱高宗禮傳說於崑築桓公取

官仲於射鈎故能立弘烈就元勳未聞師相仲父而

可為吏位也非闕天者不可與圖遠君不授驥以重

任驥亦促首累足而去耳遂不受署積弩將軍傳俊

東徇揚州禮請暉為將兵長史授以軍政所向皆下

後還京師而上論之憚耻以軍功取位遂辭歸鄉里
杜安年十三入太學洛陽令周紆自往候安安謝不
見京師貴戚慕其行或遺之書安不發悉壁藏之及
後捕案貴戚宿客安開壁出書印封如故

高詡世傳魯詩以信行清操知名王莽篡位父子稱
旨逃不仕莽世

楊寶王莽時與兩龔蔣詡俱徵遂遁不知所處龔勝字君

賓龔字君倩蔣詡字元卿並以高節著名光武高其節建武中公車待徵


老病不到卒於家

王霸少有清節初王莽篡位弃冠帶絕交賓

樂恢為騎都尉性廉直介立行不合已者雖貴不與
交初信陽侯陰就數致禮請恢恢絕不答

朱暉字文季為尚書令性務嚴進止必以禮永平初
明帝舅信陽侯陰就慕暉賢自往候之暉避不見復
遣家丞致禮暉遂閉門不受就聞日志士也勿奪其
節

鄭興更始時為涼州刺史會天水有反者攻殺郡守
興坐免時赤眉入關東道不通興及西歸隗囂虛心
禮請而興耻為之屈稱疾不起及囂遣子恂入侍將
行興因恂求歸葬父母囂不聽而徙興舍益其秩禮



興人兪日前遭赤眉之亂以將軍僚舊故敢歸身明德幸蒙覆載之恩復得全其性命興聞事親之道空事之以禮死葬之以禮奉以周旋弗敢失墜今為父母未塋請乞體骨若以增秩徙舍中更停留是以親為餌無禮甚矣將軍焉用之兪日嘗將不足留故耶興曰將軍據七郡之地擁羌胡之衆以戴本朝德莫厚焉威莫重焉若則為專命之使入必為鬲足之臣興從俗者也不敢深居屏處因將軍求進不患不達因將軍求進何患不親此興之計不道將軍者也興業為父母請不可以已願留妻子獨歸葬將軍又

何猜焉兪日幸甚促為辦裝遂令與妻子俱東任延為河內太守初學於長安號為聖童值倉卒避兵之隴西時兪已據四郡遣使請延延不應任永字君業犍為人與同郡馮信並好學博古公孫述連徵命符以高位皆託青盲以避世難

王丹資性方潔疾惡豪強河南太守同郡陳遵關西之大俠也自以知名欲結交於丹丹拒而不許後徵為太子少傅時大司徒侯霸欲與交友及丹被徵遣子昱候於道昱迎拜車下丹下答之昱曰家公欲與君結交何為見拜丹曰君房侯霸字也有是言丹未之許

也丹後為太子太傅

竇章家於外黃君貧蓬戶蔬食躬勤孝養然講讀不

輟太僕鄧康

鄧珍之子

聞其名請欲與交辭不肯許

康以此益重焉

趙岐少明經有才藝娶扶風馬敦女宗姜敦兄子融

外戚豪家岐嘗鄙之不與融相見融嘗至岐家多從

賓友與從妹宴飲作樂日夕乃出過問趙處士所在

岐亦厲節不以姝媼之故屈志於融也與其友書曰

馬季長雖有名當世而不持士節三輔高士未嘗以

衣裾撒其門也岐曾讀周官二義不通一往造之賤

融如此後官至太嘗

張升少好學多關覽而任情不羈其意相合者則傾

身交結不問窮賤如乖其志好者雖王公大人終不

屈從嘗歎曰死生有命富貴在天其有知我雖胡越

可親苟不相識從物何益後為內黃令

咸翊世不應三公辟先是順帝廢為濟陰王翊世上

書訟之安帝不從及濟陰立為順帝司空張皓以翊

世前訟太子之廢薦為議郎翊世自以其功不顯耻

於受位自劾歸

蔡衍為議郎符節令梁冀聞衍賢請欲相見衍辭疾

不往冀恨之

橋玄補雒陽左尉梁不疑為河南尹玄以公事當詣府受對耻為所辱棄官還鄉里

蔡邕陳留圉人妙操音律中嘗侍徐璜左館等五侯擅恣聞邕善鼓琴遂白天子勅陳留太守督促發遣邕不得已行到偃師稱疾而歸後為左中郎將

楊康遷平原令時國相徐魯中嘗侍璜之兄也康耻與接事託疾牧豕

表山松書楊一名章字叔康

夏馥少為書生言行質直同縣高氏蔡氏並皆富殖郡人畏而事之惟馥閉門不與交通繇是為豪姓所

讐後入林慮山中而卒

張儉山陽高平人初舉茂才以刺史非其人謝病不起後為衛尉

鄭玄字康成北海高密人家貧客居東萊及黨事起被禁錮遂隱修經業杜門不出靈帝末黨禁解大將軍何進聞而辟之州郡以進權戚不敢違意遂迫脅玄不得已而詣之進為設几杖禮待甚優玄不受朝服而以幅巾見一宿逃去後公車徵為大司農以病自乞還家

許邵字子將汝南平輿人從祖敬敬子訓訓子相並

為三公相以諂事宦官自致台司數遣請邵邵惡其薄行終不候之後司空楊彪辟舉方正敦樸皆不就魏張範字公儀河內修武人初太傅袁隗欲以女妻範範辭不受性恬靜樂道忽於榮利徵命無所就範與弟承避地揚州袁術備禮招請範稱疾不往術不強屈遣承與相見後太祖表為諫議大夫

袁渙與陳群父子皆在呂布軍中布破群父子見太祖皆拜渙獨高揖不為禮太祖甚嚴憚之時太祖又給衆官車各數乘使取布軍中物惟其所欲衆人皆重載惟渙取書數百卷資糧而已衆人聞之大慚渙

謂所親口脫我以行陳今軍發足以為行糧而已不以此為我有繇是厲各也大悔恨之太祖益以此重焉後至郎中令行御史大夫

何夔陳郡陽夏人初避亂淮南後袁術至壽春辟之夔不應然遂為術所留久之術與橋蕤俱攻圍蘄陽蘄陽為魏太祖因守術以夔彼郡人欲脅令說蘄陽夔謂術謀臣李業曰昔柳下惠聞伐國之謀而有憂色曰吾聞伐國不問仁人斯言何為至於我哉遂遁匿瀟山術知夔終不為已用乃止術從兄山陽太守遺母夔從姑也是以雖恨夔而不加害及夔將還鄉

里度術必急追乃間行得免後位至太僕
王烈管寧邴原同避亂至遼東烈於時名聞在原寧
之右辭公孫度長史商賈自穢太祖命為丞相掾未
至而卒
崔琰字季珪袁紹以為騎都尉紹卒二子交爭欲得
琰琰稱疾固辭繇是獲罪幽於囹圄賴陰夔陳琳營
救得免官至中尉
王朗為會稽太守為孫策所執譴讓之使張昭私問
朗朗誓不屈策忿而不敢害也留至曲阿建安三年
太祖表徵朗策遣之

桓階字伯緒劉表辟為從事祭酒欲妻以妻妹蔡氏
階自陳已結婚拒而不受因辭疾告退
李敏為河內太守去官還鄉里遼東太守公孫度欲
強用之敏乘輕舟浮滄海莫知所終
杜襲字子緒漢末避亂荆州劉表待以賓禮同郡繁
欽數見竒於表襲喻之曰吾所以與子俱來者徒欲
龍蟠幽藪待時鳳翔豈謂劉牧當為撥亂之主而規
長者委身哉子若見能不已非吾徒也吾其與子絕
矣敏慨然曰請敬受命襲遂南適長沙官至大中大
夫

陳矯字秀彌廣陵廣陽人也避亂江東及東城辭孫策袁術之命還本郡後位至司徒
吳陳化妻早亡化以古事為鑒乃不復娶大帝聞而貴之以其年壯勅宗正妻以宗室女化固辭以疾帝不違其志

虞翻會稽餘姚人曹公為司空辟翻翻曰盜蹠欲以餘財汙良家邪遂拒不受後歸吳為騎都尉

晉石偉字公操吳人也少好學修節不怠介然獨立有不可奪之志吳平後武帝太康二年詔曰吳故光祿大夫石偉秉志清白皓首不渝雖處危亂廉節可

紀年已過邁不堪遠涉其以偉為議郎加二千石秩以終厥世偉遂陽狂及盲不受晉爵年八十三太熙元年卒

諸葛靚父誕魏司空為文帝所誅靚奔吳為大司馬吳平逃竄不出武帝與靚有舊靚妹又為瑯邪王妃帝知靚在姊間因就見焉靚逃于廁帝又逼見之謂曰不謂今日復得相見靚流涕曰不能療身皮面復靚聖顏詔以為侍中固辭不拜歸于鄉里終身不向朝廷而卒

王褒父儀為司馬文王所殺褒與濟南劉兆俱以不

仕顯名褒以父為文王所濫殺終身不應徵聘未嘗西向坐以示不臣於晉也

王衍字夷甫楊駿欲以女妻焉衍耻之遂陽狂自免後位至太尉

常忠有節操家貧藜藿不充人不堪其憂而忠不改其樂裴頠為僕射數言之於司空張華華辟之辭疾

不起人問其故忠曰吾茨簷賤士本無宦情且茂先張華字也華而不實裴頠慾而無厭棄典禮而附賊后若

此豈大丈夫之所宜行邪裴嘗有心託我恐洪濤蕩岳餘波見漂况可臨尾閭而闕沃焦哉

解系字少連武帝時荀勗門宗彊盛朝野畏憚之勗諸子謂系等曰我與卿為友應何我公拜勗又曰我

與尊先使君親厚系曰不奉先君遺教公若與先君厚往日衰頹當有書問親厚之誨非所敢承勗父子

大慚當世壯之官至雍州刺史揚烈將軍

郗鑒為中書侍郎東海王越辟為主簿舉賢良不行征東大將軍荀晞檄為從事中郎晞與越方以力爭

鑒不應其召從兄勗晞之別駕恐禍及已勸之赴召鑒終不迴晞亦不之逼也及京師不守寇難起鑒

遂陷於陳午賊中邑人張實先求交於鑒不許至是



實於午營來省鑿疾旣而卿鑿鑿謂寔曰相與邦壤
義不及通何可怖亂至此邪寔大慚而退午以鑿有
名於世將逼爲主鑿逃而獲免午尋潰散鑿得歸鄉
里趙王倫辟爲掾知倫有不臣之跡稱疾去職及倫
篡其黨皆至大官而鑿閉門自守不染逆節
賀循山陰人在郡遇陳敏之亂詐稱詔書以循爲丹
陽內史循辭以脚疾手不制筆又服寒食散露髮袒
身示不可用敏意不敢逼是時州內豪傑皆見維繫
或有老疾就加秩命惟循與吳郡朱誕不預其事及
敏破征東將軍周馥上循領會稽相尋除吳國內史

公車徵賢良皆不就

虞望少有節操元帝爲丞相招延四方之士多辟府
掾時人謂之百六掾望亦被召耻而不應

陸玩爲元帝丞相參軍時王導初至江左思結人情
請婚於玩玩對曰培塿無松栢薰蕕不同噐玩雖不
才義不爲亂倫之始導乃止後位至侍中司空

庾袞字叔褒諸父並貴盛惟袞父獨守貧約袞躬親
稼穡以給供養而執事勤恪與弟子樹籬跪以授條
或曰今在隱屏先生何恭之過袞曰幽顯易操非君
子之志也舉孝廉郡功曹皆不屈

王濛爲司徒左西屬濛以此職有譴則應受杖固辭
詔爲停罰猶不就徙中書郎

顏含爲光祿勳桓溫求婚於含含以其盛滿不許惟
與鄧攸深交

王述子坦之爲桓溫長史溫欲爲子求婚於坦之及
還家省父而述愛坦之雖長大猶抱置膝上坦之因
言溫意述大怒遽排下曰汝竟癡邪詎可畏溫面而
以女妻兵也坦之乃辭以他故溫曰此尊君不肯耳
遂止官至衛將軍散騎嘗侍尚書令

王獻之爲謝安衛將軍長史孝武太元中新起太極

殿安欲使獻之題榜以爲萬代寶而難言之試謂曰
魏時凌雲殿榜未題而匠者誤釘之不可下乃使常
仲將懸登書之比訖鬚鬢盡白裁餘氣息還語子弟
且絕此法獻之揣知其旨正色曰仲將魏之大臣寧
有此事使其若此有以知魏德之不長安遂不之逼
江績字仲元有志氣除祕書郎以父與謝氏不穆故
謝安之世辟召無所從論者多之安薨始爲會稽王
道子驃騎主簿
孫潛爲豫章太守殷仲堪之討王國寶也潛時在郡
仲堪逼以爲諮議參軍固辭不就

王敬弘少有清尚起家本國左嘗侍衛軍參軍性恬
 靜樂山水為天門太守其妻桓玄姊也敬弘之郡玄
 時為荊州遣信要令過敬弘至江陵謂人曰靈寶桓
 也字見要正當欲與其姊集聚耳我不能為桓氏贅壻
 乃遣別船送妻往江陵妾在桓氏彌年不迎
 謝方明少有志節桓玄尅京邑丹陽尹不範之勢傾
 朝野欲以女嫁方明使尚書吏部郎王騰譬說備至
 方明終不回桓玄聞而賞之方明後為會稽太守
 龔穎為益州刺史毛璩從事璩為譙縱所殺穎獨不
 屈節縱既僭號備禮徵又不至乃收穎付獄脅以兵

亦執志彌堅終無迴改至子蜀平遂不屈節
 范騰字無忌燉煌人舉孝廉除郎中屬天下兵亂去
 官還家太守張閎造之閉門不見禮遺一無所受歎
 曰生於亂世貴而能貧乃可以免散家財五十萬以
 施宗族柴門灌園琴書自適張軌徵之為司馬騰曰
 門一杜其可開乎固辭病月餘而卒
 崔遊年七十餘敦學不倦劉元海僭位命為御史大
 夫固辭不就卒家家
 楊軻學業精微養徒數百劉曜僭號徵拜太嘗軻固
 辭不起曜亦敬而不逼遂隱于隴山

桑虞諸兄仕於石勒之世咸登顯位惟虞耻臣非類
 陰欲避地海東會丁母憂遂止哀毀骨立廬於墓側
 五年後石勒以為武城令虞以密邇黃河去海微近
 將申前志欣然就職石季龍太守劉徵甚器重之徵
 遷青州刺史請虞為長史帶祝阿郡徵遇疾還鄴令
 虞監行州府屬季龍死國中大亂朝廷以虞名父子
 必能立功海岱潛遣東莞人華挺授虞寧朔將軍青
 州刺史虞曰功名非吾志也乃附使者啓讓刺史靖
 居海右不交境外雖歷僞朝而不豫亂世以此高之
 高瞻隨東夷較尉崔岌伐慕容廆于棘城岌奔敗瞻

隨衆降于廆廆署為將軍瞻稱疾不起廆敬其女
 數臨候之撫其心曰君之疾在此不在於也今天子
 播越四海分離蒼生紛擾莫知所託孤思與諸君興
 復帝室剪鯨豕于二京迎天子於吳會廓清八表俾
 勳古烈此孤之心也孤之願也君中州大族冠冕之
 餘宜痛心疾首枕戈待旦柰何以華夷之異有懷介
 然且大禹出於西羗文王生子東夷但問志略何如
 耳豈以殊俗不可降心乎瞻仍辭疾篤廆深不平之
 瞻又與宋該有隙該陰勸廆除之瞻聞其言彌不自
 安遂以憂死

吳喬車騎將軍壹之孫沒李雄軍中三十年不為雄
屈

譙秀字元彥巴西人祖周以儒學著稱顯名蜀朝秀
少而靜默不交於世知天下將亂預絕人事雖內外
宗親不與相見郡察孝廉州舉秀才皆不就及李雄
據蜀畧有巴西雄叔父驥驤子壽皆慕秀名具束帛
安車徵之皆不應嘗冠皮弁弊衣躬耕山藪龔壯嘗
歎服焉

稽紹為侍中齊王冏秉政紹嘗詣冏咨事遇冏宴會
召華艾葛旃等共論時政艾言於冏曰稽侍中善於
絲竹公可令操之左右進琴紹推不受冏曰今日為
歡卿何吝此邪紹對曰公興復社稷當執物作則垂
之於後紹雖虛鄙忝備嘗伯腰綬冠冕鳴玉殿省豈
可操執絲竹以為伶人之事若釋公服從私宴所不
敢辭也冏大慚艾等不自得而退

戴逵字安道嘗以琴書自娛太宰武陵王晞聞其善
鼓琴使人召之逵對使者破琴曰戴安道不為王門
伶人晞怒乃更引其兄述述聞命欣然擁琴而往以
國子祭酒散騎嘗侍徵皆不至

後蜀龔壯巴西人父叔為李特所害壯說李壽討特



孫期以報讎果尅之壯謂百行之本莫大忠孝旣假
壽殺其私讎以雪又欲使其歸朝以明臣節壽旣不
從壯遂稱聾又云手不制物終身不復至成都惟斫
考經典覃思文章至李勢時卒
前涼辛理美姿貌張駿欲奪其妻以寡妹妻之理割
鼻自誓
宋庾炳之字仲文初爲中書太子舍人劉粹征北長
史廣平太守兄登之爲謝晦長史炳之徃省之時晦
位高權重朝士莫不加敬炳之獨與抗禮時論譴之
顏延之妹適東莞劉憲之穆之子也穆之旣與延之

通家又聞其美將仕之先欲相見延之終不徃也延
之位至金紫光祿大夫領湘東王師
王景文美風姿好言理太祖甚相欽重故爲明帝娶
景文妹高祖第五女新安公主先適太原王景深離
絕當以適景文景文固辭以疾故不成婚景文後領
中書令嘗侍僕射揚州刺史
顧覲之爲吳郡太守幸臣戴法興權傾人主而覲之
未嘗降意左光祿大夫蔡興宗與覲之善嫌其風節
過峻覲之日辛毗有云不事孫劉不過使吾不爲三
公耳及世祖晏駕法興遂以覲之爲光祿大夫加金

章紫綬
 杜慧度交州刺史瑗之第五子為九真太守瑗卒府
 州綱佐以交土接寇不宜曠職共推慧度行州府事
 辭不就
 垣閔字叔通齊高帝輔政使褚彥回為子晃求閔女
 閔辭以齊大非偶帝雖嘉其退讓而心不能歡即以
 晃婚王仙女謂豫章王嶷曰前欲以白象與垣公婚
 者重其夷澹事雖不遂心嘗依然白象晃小字也及
 高帝即位有誠心封爵如故卒於金紫光祿大夫謚
 曰定

袁淑從母兄劉湛欲其附已而淑不為改意繇是大
 相乖失淑乃賦詩曰種蘭忌當門懷璧莫向楚楚少
 別玉人門非植蘭所尋以久疾免官
 蔡廓為吏部尚書廓因北地傳隆問傅亮選事若悉
 以見付不論不然不能拜也亮以語錄尚書徐羨之
 曰黃門郎以下悉以委蔡吾徒不復厝懷自此以上
 故宜共參同異廓曰我不能為徐干木署紙尾也遂
 不拜干木羨之小字也選案黃紙錄尚書與吏部尚
 書連名故廓云署紙尾也羨之亦以廓正直不欲使
 居權要徙為祠部尚書



南齊褚賁淵之長子歷侍中淵薨服闋見世祖賁流涕不自勝帝甚嘉之以為左民尚書不拜表稱疾讓封與弟秦世以為賁恨淵失節於宋室故不復仕褚炤彥回之從父弟也少有高節王儉嘗稱才堪保傳為成安郡還以一目眇召為國子祭酒不拜嘗非彥回身事二代回子賁往問訊炤炤問曰司空今日何在賁曰奉璽綬在齊大司馬門炤正色曰不知汝家司空將一家物與一家亦復何謂彥回拜司徒賁客滿坐炤歎曰彥回少立名行何意披猖至此門戶不幸乃復有今日之拜使彥回作中書郎而死不當

是一名士耶名德不昌遂有期願之壽彥回性好以輶車給之炤大怒曰著此辱門戶那可令人見索火燒之馭人奔車乃免崔慰祖少與江祀款密及祀貴嘗來候之而慰祖不往為始安王遙光記室王好碁數召慰祖對戲慰祖輒辭拙苟非朔望不見也建武中帝欲試以百里慰祖不就王秀之為太子舍人吏部尚書褚淵見秀之正潔欲與結婚秀之不肯以此類轉為兩府外兵參軍王僧祐太尉儉從祖兄也竟陵王子良聞僧祐善彈



琴於座取琴進之不肯從命卒於黃門郎
劉俊婦弟王法顯同宋桂陽王作亂俊遂啓與婦別
居終身不復見之俊以五兵尚書授散騎嘗侍領驍
騎將軍卒

梁江禱為吏部郎僕射徐勉權重自遇禱與抗禮勉
因禱門客翟景為第七兒繇求禱女婚禱不答景再
言之乃杖景四十繇此與勉有忤除散騎嘗侍不拜
裴子野遭父憂君喪盡禮天監初尚書僕射范雲嘉
其志行將表奏之會雲卒不果樂安任昉有盛名為
後進所慕遊其門者昉必相薦達子野於昉為從中

表獨不至昉亦恨焉子野為鴻臚卿領步兵較尉知
著作郎兼中書舍人卒

阮孝緒鄱陽忠烈王妃孝緒之姊王嘗命駕欲就之
遊孝緒鑿垣而走卒不肯見天監十二年傳昭薦之
徵不到

臧嚴性孤介於人門未嘗造請僕射徐勉欲識之嚴
終不詣卒於鎮南諮議參軍

江子一直華林省其姑夫右衛將軍朱異權要當朝
休暇之日賓客輻湊子一未嘗造門其高潔如此子
一少好學有志操以客貧闕養因蔬食終身終於南

津較尉

王承性簡貴有風格時右衛朱异當朝用事每休暇車馬填門時有魏郡申策好危言高論以忤權右嘗指异門曰此中輻湊皆以利徃能不至者惟有大小王東陽耳小東陽即承弟穉也當時惟承兄弟及褚翔不至异門世以此稱之嘗任國子祭酒出爲東陽太守卒

吉玃字彥霄其父爲人所誣罪當大辟玃求代父死高祖乃宥其父丹陽尹王志求欲於歲首舉充純孝之選玃曰異哉王尹何量玃之薄乎夫父辱子死斯道固然若玃有醜面目當其此舉則是因父置名一何甚辱拒之而止後湘州刺史柳忱召爲主簿

陳王元規父瑤梁武陵王府中記室參軍元規八歲而孤兄弟三人隨母依舅氏往臨海郡時年十二郡豪劉瑱者資財巨萬以女妻之元規母以其兄弟幼弱欲結強援元規泣請曰因不失親古人所重豈得苟安異懷輒婚非類母感其言而止

虞寄爲梁岳陽王中記室侯景之亂寄隨兄荔入臺除鎮南湘東王諮議參軍加貞威將軍京城陷遁還鄉里及張彪往臨川強寄俱行寄與彪將鄭璋同舟

而載璋嘗忤彪意乃劫寄奔于晉安時陳寶應據有
閩中得寄甚喜高祖平侯景寄勸令自結寶應從之
乃遣使歸誠承聖二年除和戎將軍中書侍郎寶應
愛其才託以道阻不遣每欲引寄爲僚屬委以文翰
寄因辭獲免及寶應結婚留異潛有逆謀寄微知其
意言說之際每陳逆順之理微以諷諫寶應輒引說
他事以拒之又嘗令左右誦漢書卧而聽之至蒯通
說韓信日相君之背貴不可言寶應蹶起日可謂智
士寄正色曰覆剷驕韓未足稱智豈若班彪王命識
所歸乎寄知寶應不可諫慮禍及已乃爲居士服以

恒絕之嘗居東山寺僞稱脚疾不起寶應以爲假託
使燒寄所卧屋寄安卧不動親近將扶寄出寄曰吾
命有懸避欲安往所縱火者旋自救之寶應自此方
信及寶應旣擒凡諸賓客微有交涉者皆伏誅惟寄
以先識免禍

後魏穆紹宣武時爲侍中性方重罕接賓客元乂當
權魯侯紹紹迎送下階而已後除車騎大將軍固辭
不拜又除侍中託疾不起莊帝立爾朱榮遣人徵之
紹以爲必死哭辭家廟及往見榮於印山捧手不拜
榮亦矯意禮之顧謂人曰穆紹不虛大家兒

賈景與清峻鯁正少爲州主簿遂栖遲不仕後葛榮陷冀州爲榮所虜稱疾不拜景與每捫膝而言曰吾不負汝以不拜葛榮故也

裴美字師伯少有美名舉秀才州主簿太尉咸陽王雅相賞愛欲以女妻之美拒而不納

盧義僖爲太中大夫散秩多年澹然自得李神俊勸其干謁當途義僖曰學先王之道貴行先王之志何能求富貴也後遷散騎嘗侍時靈太后臨朝黃門侍郎李神軌勢傾朝野求結婚姻謂義僖曰昔人不一女易五男卿豈易之也義僖曰所以不從正爲此

耳從之恐禍大而速乃堅握義僖之手曰我聞有命不敢以告人遂適他族臨婚之夕靈太后遣中嘗侍服景就家勅停內外惶怖義僖夷然自若

游肇爲黃門侍郎時尚書令高肇宣武之舅爲百僚懾憚以肇名與已同欲令改易肇以孝文所賜秉志不許高肇甚銜之宣武喜其剛梗

崔挺爲光州刺史景明初自代歸闕散騎嘗侍趙修得幸宣武挺雖同州壤未嘗詣門北海王詳爲司徒錄尚書事以挺爲司馬於後詳攝選衆人競稱考第以來遷叙挺獨無言詳曰崔光州考級並未加授宜

投一牒當爲申請遠伯玉耻獨爲君子亦何故默然
挺對曰階級是聖朝大例考課亦國之嘗典下官雖
慚古賢不伐之美至於自銜求進竊以羞之詳大相
稱歎目爲司馬詳未嘗呼名嘗稱州號以示優禮
楊津爲符璽郎津以身在禁密不外交遊司徒馮誕
與津少結交遊而津見其貴寵每嘗退避及相招命
多辭疾不往誕以爲恨而津逾遠焉人或謂之曰司
徒君之少舊宜蒙進達何遽自外也津曰爲勢家所
厚復何容易但全吾今日亦以足矣

崔光韶河東武城人爲廷尉卿永安末還鄉里刺史

元弼前妻是光韶之繼室兄女而弼貪恠多諸不法
光韶以親情亟相非責弼銜之時耿翔反於州界弼
誣光韶子通與賊連結囚其合家考掠非理而韶與
之辯爭辭不屈會樊子暢爲東道大使知其見枉理
出之時人勸令詣樊陳謝光韶曰羊舌大夫已有成
事何勞往也子暢亦歎尚之

皇甫徽字子玄安定朝那人仕梁歷諸王參軍郡守
及夏侯道遷入國徽亦因地內屬徽妻卽道遷之兄
女道遷列上勲書欲以徽爲元謀徽曰叛謀之始本
不關豫雖貪榮賞實內愧於心遂拒而不許

裴粲為弘農太守免官時僕射高肇以外戚之貴勢
傾一時朝士見者咸望塵拜謁粲候肇惟長揖而已
及還家人尤責之粲曰何可自同凡俗也
北齊楊愔孝昌中父津為定州刺史隨父之職及中
山為杜維周陷全家被囚繫未幾維周滅又沒葛榮
榮欲以女妻之又逼以偽職愔乃託疾密含牛血數
合於衆中吐之仍佯暗不語榮以為信然乃止
裴諷之少有儒學司空高乾致書曰相屈為戶曹參
軍諷之復書不受署

元景皓魏陳留王社之子社卒景皓嗣天保時諸
帝室親近者多被誅戮疏宗如元景安之徒議欲請
姓高氏景皓云豈得棄本宗逐他姓大丈夫寧可玉
碎不能瓦全景安遂以其言白文宣乃收景皓誅之
家屬徙彭城縣是景安獨賜姓高氏自外聽從本姓
司馬膺之性方古不會俗舊與楊愔同為黃門郎至
愔為尚書令抗禮如初愔嘗有從姊慘尚書卿尹皆
跪吊膺之執手而出曾路逢愔威儀導引乃於樹下
側避之愔於車望見令呼謂曰兄何意避弟膺之日
我自避赤棒本不避卿愔甚重之然以其疎簡傲物
竟天保間淪滯不齒

房豹以齊滅還鄉園自養頰徵辭疾終於家

後周崔謙為京畿司馬族弟暹當時寵要謙與之舊

僚同門非吉凶未嘗造請以雅道自居

常憂高尚不仕時兄孝寬為延州總管憂至州與孝

寬相見將還孝寬以所乘馬及轡勒與憂憂以其華

飾心弗欲之笑謂孝寬曰昔人不棄遺簪墜履者惡

與之同出不與同歸吾之操行雖不逮前烈然捨舊

錄新亦非吾志也於是乃乘舊馬以歸

裴俠累遷河北郡守躬履儉素清慎奉公從弟伯鳳

世彥時並為丞相府佐笑曰人生仕進須身名並裕

清苦若此竟欲何為俠曰夫清者在職之本儉者持

身之基况我大宗世濟其美故能存見稱於朝廷沒

流芳於典策今吾幸以凡庸濫蒙殊遇其窮困非慕

名也志在自修懼辱先也翻被嗤笑知復何言伯鳳

等慚而退

隋李孝貞為給事中于時黃門侍郎高乾親要用事

求婚於孝貞孝貞拒之

辛德源仕周為宣納上士周因取急詣相州會尉迴

作亂以為中郎德源辭不獲免遂亡去

蔡允恭大業中為起居舍人與虞世南同為學士煬

帝遣數宮人允恭貞介每以爲辱因稱氣疾不時應命於後稍被踈絕
唐陸德明初王充僭號署散騎嘗侍漢王師將行束修之禮德明服巴豆散卧東壁下王充之子入跪牀前德明對之遺痢竟不與語遂移病於成臯杜絕人事後歸國爲國子博士

李懷遠字廣德趙郡栢人人也早孤貧好學屬文有宗人欲以高蔭相假者懷遠退而歎曰因人之勢高士不爲假蔭求官豈吾本志未幾應四科舉擢第位至兵部尚書同中書門下三品

李勉初爲太常少卿肅宗將大用會李輔國寵任意欲勉降禮於已勉不爲之屈竟爲所抑出汾號二州刺史

蕭復代宗時爲太子僕屬連歲不稔穀價翔貴復家累百口無以自給將鬻昭列別業時宰相王縉聞其林泉之美心欲之乃使弟統誘焉統曰足下之才固宜居右職姑以別業奉吾兄吾兄當以要地處足下矣復對曰僕之鬻舊業以極孀孤儻以美職售之姑姊弟姪受凍餒非鄙夫之願也縉旣憾之受廢者數年復處之自若

崔縱為金部員外孝悌修飾自以父為元載所排退
居十餘年左官外府訖載得罪不求聞達

杜黃裳為太嘗卿時順宗即位王叔文之竊權黃裳
終不造其門

李藩貞元中為祕書郎王紹持權邀藩一相見紹終
不就王仲舒韋成季呂洞輩為郎官朋黨輝赫日會

聚歌酒慕藩名強致同會藩不得已一至仲舒輩好
為訛語俳戲後召藩堅不去日吾與仲舒輩終日不

曉所與言何也後數人果敗
元正為河南連帥崔光遠從事屬史思明陷河維正

與弟同侍親潛伏林藪克黨誘以高位不出遇害

崔應為滄景從事節度使程執恭嘗欲娶其妹不可
遂棄職歸維中執恭銜之遣賊就殺不克

韋貫之為長安丞德宗末年京兆尹李實權移宰相
言其可不必數日而詔行人有以貫之之名薦於實

者荅曰是其人君與吾同里亟聞賢但吾得識其面
而進於上舉笏示說者曰實已記其名氏矣說者喜

驟以其說告於貫之且曰子今日詣實而明日受賀
矣貫之唯唯數歲終不往

李渤祖玄珪官至衛尉寺主簿父鈞官至殿中侍御



史以母喪不舉流于施州渤少時耻其家污堅苦不仕勵志於文學隱嵩山之下讀書為文以自課

宇文籍為監察御史坐王承系貶江陵戶曹至任節度使將議署置之賓筵文籍日以君命黜當以君命并假榮倫獎非所願也

後唐李敬義德裕之孫居於平泉昭宗之都維也徵為司勳郎中特為河南尹張全義所知給遺頗厚俄而朱溫篡位誓心不事偽室及溫徵命拒而不應退居衛州

晉庫部郎中李專美少篤學為文以父樞唐昭宗時

嘗應進士舉為覆試所落不許再入專美心愧之繇是不游文場

[Faded text in columns, likely bleed-through from the reverse side]

冊府元龜

淮南李嗣京參閱

西極文翔鳳訂正

豫章黃國琦較釋

總錄部

榮遇

易曰崇高莫大於富貴詩曰為龍為光蓋士之趨世者或道合時主或功濟大業然後享豐祿齒高位澤及于宗黨寵被于閭壺度越群品垂為美談者斯有之矣若乃出於困辱奮自卑冗終以貴盛申其志節

以至期運亨會勢望熏灼明詔敦獎徽美舉集或聚
服歸于故郡或榮養及於庭闈或展墓以達永懷或
即家而為公府至乃父子更任於劇職宗戚迭處於
要任以壯齒而躋顯仕因請老而還舊貫中外更踐
便蕃增秩時君異其恩禮舉將更其出處斯皆才命
胥契福祿來同致光景之振耀聳人倫之欽慕非夫
保若驚之訓得持盈之道又曷能克終而寡悔哉
蘇秦雒陽人出游數歲大困而歸兄弟嫂妹妻妾皆
笑之及為從約長并相六國北報趙王及行過雒陽
車騎輜重諸侯各發使送之甚衆擬於王者周顯王

聞之恐懼除道使人郊勞實至近郊君使卿朝服用束帛勞蘇秦之

昆弟妻嫂側目不敢仰視俯伏侍取食蘇秦笑謂其

嫂曰何前倨而後恭也嫂委蛇蒲服以面掩地而謝

曰見季子位高而金多也蘇秦字季子蘇秦喟然嘆曰此

一人之身富貴則親戚畏懼之貧賤則輕易之况衆


人乎且使我有雒陽負郭田二頃吾豈能佩六國相

印乎於是散千金以賜宗族朋友

漢嚴助會稽吳人為中大夫助侍燕從容武帝問助

居鄉里時助對曰家貧為友壻富人所辱友壻同門之壻帝

問所欲對願為會稽太守於是拜為會稽太守



朱買臣字翁子會稽吳人家貧妻求去買臣不能留
即聽去後買臣為會稽太守武帝謂買臣曰富貴不
歸故鄉如衣繡夜行今子何如買頓首辭謝初買臣
免待詔嘗從會稽守邸者寄居飯食拜為太守買臣
衣故衣懷其印綬步歸郡邸直上計時會稽吏方相
與群飲不視買臣買臣入室中守邸與共食食且飽
少見其綬守邸怪之前引其綬視其印會稽太守章
也守邸驚出語上計掾吏皆醉大呼曰妄誕耳守邸
曰試來視之其故人素輕買臣者入內視之還走疾
呼曰實然坐中驚駭白守丞

漢舊郡國丞相長史與計吏俱逆計也謂之守

丞者繫太守而言也相推排陳列中庭謁拜買臣徐出戶有頃

長安廡吏乘駟馬車來迎

故事大夫乘官車駕駟如今州牧刺史矣

買臣

遂乘傳去會稽聞太守且至發民除縣長吏並送迎
車百餘乘入吳界見其故妻妻夫治道買臣馳車呼
令後車載其夫妻到太守舍置園中給食之居一月
妻自經死買臣乞其夫錢令葬悉召見故人與飲食
諸嘗有恩者皆報復焉

司馬相如字長卿蜀郡成都人武帝時以中郎將至
蜀太守以下郊迎縣令負弩矢先驅蜀人以爲寵
薛廣德沛郡相人為御史大夫乞骸骨賜安車駟馬



黃金六十斤罷廣德東歸沛太守迎之界上沛以爲榮懸其安車傳子孫
 踈廣爲太子太傅廣兄子受爲太子少傅太子每朝因進見太傅在前少傅在後父子並爲師傅朝廷以爲榮

班伯高祖壹始皇之末避地於樓煩漢孝惠時以財雄邊伯後爲定襄太守歲餘成帝徵伯伯上書願過郡上父祖冢有詔太守都尉以下會其所因召宗族各以親踈加恩施散數百金北州以爲榮長老紀焉後漢馮異潁川交城人爲孟津將軍光武建武二年

征陽翟賊嚴終趙根破之詔異歸上冢使大中大夫齋牛酒令二百里內太守都尉已下及宗族會焉景丹馮翊櫟陽人爲驃騎大將軍建武二年定封丹櫟陽侯光武謂丹曰今關東故王國雖數縣不過櫟陽萬戶邑夫富貴不歸故鄉如衣繡夜行故以封卿耳
 岑彭南陽棘陽人建武六年爲征南大將屯津鄉南還有詔過家上冢大長秋以朔望問大夫人起居王恒潁川舞陽人爲漢中將軍平沛郡賊建武六年徵恒還雒陽令人夫迎恒於舞陽歸家上冢

吳漢南陽人建武十二年爲大司馬平蜀振旅浮江而下至宛詔令過家上冢賜穀二萬斛傳爨北地靈州人太守范津舉爨孝廉及津爲漢陽與爨交代合符而去鄉邦榮之韓稜潁川華陽人爲南陽太守特聽稜得過家上冢鄉里以爲榮

韋端自涼州牧徵爲太僕其子康代爲涼州刺史時人榮之魏張既馮翊高陵人漢末自尚書出爲雍州刺史大祖謂既曰還君本州可爲衣繡畫行矣

張遼爲前將軍屯合肥進遼爵都鄉侯給遼母輿車及兵馬送遼家詣屯勅遼母至導從出迎所督諸軍將吏皆羅拜道側觀者榮之

吳朱治丹陽故鄣人大帝黃武二年拜安國將軍領吳郡是時丹陽深地頗有姦叛亦以年向老思戀土風自表屯故鄣鎮撫山越諸父老故人莫不詣門治皆引進與共飲宴鄉黨以爲榮在故鄣歲餘還吳全琮吳郡錢塘人黃武七年爲東安太守還經過錢塘修祭墳墓麾幢節蓋曜於舊里請會邑人平生知舊宗族六親施散惠與千有餘萬本土以爲榮

諸葛恪為撫越將軍領丹陽太守授榮戟武騎三百
拜畢太帝命恪備威儀作鼓吹導引歸家時年三十
三
紀陟景帝時父亮為尚書令陟為中書令每朝會詔
以屏風隔其座焉
晉鄭球字瑜少辟宰府七侍二官
表瓌與弟猷俱渡江瓌為丹陽猷為武康兄弟列宰
各邑論者美之
陶侃家于潯陽後為江夏太守加鷹揚將軍侃備威
儀迎母官舍鄉里榮之

荀羨除北中郎將徐州刺史監徐兗二州揚州及晉
陵諸軍事時年二十八中興方伯未有如羨之少者
韋謏前後四登九列六在尚書三為侍中再為太子
太傅封京兆公陳軍國之宜多見允納
宋鄭鮮之為高祖太尉諮議高祖北伐以為右長史
鮮之曾祖墓在開封相去三百里乞求拜省高祖以
騎送之
南齊王奐仕宋領驍騎將軍又遷征虜將軍臨川王
鎮西長史領南蠻較尉南郡內史一歲三遷
張岱吳郡人高帝建元元年出為左將軍吳郡太守



太祖知岱歷任清直至郡未幾手勅岱曰大邦任重
乃未欲廻換俱總戎務殷宜須望實今用卿為護軍
加給事中岱拜竟詔以家為府
孫瑒吳郡人自湘州刺史徵為散騎嘗侍中領軍未
拜而武帝從容謂瑒曰昔朱買臣願為大郡卿豈有
意乎乃改授持節安東將軍吳郡太守給鼓吹一部
及將之鎮乘輿幸近畿餞送鄉里榮之

梁范雲為散騎嘗侍吏部尚書嘗侍讌高祖謂臨川
王宏鄱陽王恢曰我與尚書少親善申四海之敬今
為天下主此禮卽革汝宜代我呼范為兄二王下麻

拜與雲同車還向書下省時人榮之

呂僧珍東平苑人為左衛將軍領太子中庶子僧孺
去家父表求拜墓高祖欲榮之使為本州乃授使持
節平北將軍南交州刺史

柳慶遠河東鮮人為使持節都督雍梁南北秦四州
諸軍事征虜將軍寧蠻較尉雍州刺史高祖餞於新
亭謂曰卿衣錦還鄉朕無西顧之憂矣
到洽以天監二年為司徒主簿直待詔省勅使抄甲
部書遷尚書殿中郎洽兄弟群從遞居此職時人榮
之

王僧孺幼貧其母鬻紗布以自業嘗攜僧孺至市道
遇中丞鹵簿驅迫溝中及僧孺為丞引騶清道悲感
不自勝

朱异為中書通事舍人遷散騎嘗侍累遷中領軍异
君權要三十餘年歷官自員外嘗侍至侍中四職並
驅鹵簿近代未之有也

張綰為御史中丞舊制元日僕射中丞坐位東西相
當大同四年綰兄續為僕射及有司就列兄弟導騶
兩塗前世未有也時人榮之

孔休源初為中書舍人司徒臨川王記室參軍後臨

川王為揚州刺史薨高祖與群臣議王代居州任者
久之時貴戚王咸望遷授高祖曰朕已得人孔休源
實應此選乃授宣惠將軍監揚州休源初為臨川王
行佐及王薨而管州任時論榮之

劉之遴南郡涅陽人自太學博士出為南郡太守高
祖謂曰卿母年德並高故令卿衣錦還鄉盡榮養之
理

陳侯安都始興人為司空征北將軍南徐州刺史父
文得為始興內史卒於官文帝徵安都還京師為發
喪尋起復本官贈其父散騎嘗侍金紫光祿大夫拜



母為清遠國太夫人仍迎還都母固求停鄉里帝乃
 下詔改陸陽郡之汝城縣為廬陽郡分衡州之始興
 安遠二郡合三郡為東衡州以安都從弟曉為刺史
 安都第三子祕年九歲帝以為始興內史並令在鄉
 侍養
 王瑜字子珪早歷清顯三十官至侍中
 袁憲為右僕射參掌選事先是憲長兄樞為左僕射
 至是臺省日樞為太僕射憲為小僕射朝廷榮之
 後魏崔浩白馬公玄伯之長子浩為祭酒每至郊祠
 父子並乘軒輅時人榮之

畢衆敬為交州刺史其子元賓亦為交州刺史父子
 相代為州當世榮之
 魏琛中山母極人為征北將軍定州刺史衣錦晝遊
 大為稱滿
 李憲為散騎侍郎以母老乞歸養憲趙郡平棘人也
 因拜趙郡太守
 李元護遼東襄平人為齊州刺史經拜舊墓巡省故
 宅享賜村老莫不欣暢
 崔鴻為尚書都兵郎中宣武詔太師彭城王勰以下
 公卿朝士儒學才明者三十人議定律令於尚書上



省鴻與父光俱在其中時論榮之

孫惠蔚歷國子祭酒祕書監出爲平來將軍濟州刺史還京除光祿大夫魏初以來儒生寒官惠蔚家爲顯達

董徵頓丘衛國人爲輔國將軍除安州刺史徵因述職路次過家置酒高會大享邑老乃言曰腰龜返國昔人稱榮伏節還家云胡不樂因誠二三子弟曰此之富貴匪自天降乃勤學所致耳時人榮之
茹皓舊吳人與趙脩俱侍直禁中爲脩所妬出爲濮陽太守其父讓之因皓訟理舊勲先除交州陽平大

守賜以子爵父子剖符各邦郡境相接

趙邑南陽人爲殿中將軍初邑父怡歷郢州刺史停家父之以邑寵召拜太嘗少卿尋爲荊州大中正出除征虜將軍荊州刺史邑弟尚中書舍人出除南陽太守怡辭荊州也尚求解郡與父俱還未至京師逆除步兵較尉

陸彰字明遠以衛將除齊州刺史又加驃騎將軍行懷州事轉北豫州刺史仍除徐州刺史將軍並如故一年歷三州當世榮之

房士達清河人爲京北王騎兵參軍其鄉人劉均房

須等作亂攻涇郡縣士達父憂在家刺史元欣以士
達爲將士達率州人悉破平之就家拜平原太守孝
莊帝時轉濟南太守士達不入京師而頻爲本州郡
時人榮之
楊逸字遵道爲西平將軍南秦州刺史年二十九歲
時方伯之少未有先之者
北齊魏收字伯起初仕後魏節閔時爲散騎侍郎尋
勅典起居注并修國史俄兼中書侍郎時年二十六
邢邵字子才仕東魏爲太嘗卿中書監攝國子祭酒
是時朝臣多守一職帶領二官甚少邵頓居三職並

是文學之首當世榮之

崔瞻爲文宣相府司馬使于東魏孝靜帝其父悽侍
宴又勅瞻令近御座亦有應詔詩詔問邢邵等曰此
詩何如其父咸云悽博雅弘麗瞻詞氣清新並詩人
之冠冕讌罷共嗟賞之咸云今日之讌併爲崔瞻父
子

後周楊標正平高涼人魏孝武入關時爲建武刺史
鎮車箱標久從軍役以未及葬父至是表請遷葬詔
贈其父車騎大將軍儀同三司晉州刺史贈其母夏
陽縣君並給儀衛州里榮之

蘇亮武功人仕西魏為岐州刺史朝廷以其牧本州特給路車鼓吹先還其宅并給騎士三十列羽儀遊鄉黨經過故人歡會旬日然後入州世以為榮亮自文帝大統以來無歲不轉官一年或至三遷僉日才至不怪其速也

赫連達雲中盛樂人仕西魏為帥都督封魏昌伯太祖以達勲望兼隆乃除雲州刺史進爵為公拜大都督
田弘字廣略平原人西魏大統中有帥都督授原州刺史時以弘勲望兼至故以衣錦榮之

段永仕西魏為嘗州刺史于時朝貴多其部人謁永之日冠蓋盈路當時榮之

鄭雛初仕北齊為尚書郎趙郡李祖昇兄弟不甚敬憚及楊愔奏授雛趙郡太守祖昇兄弟具服至雛門授刺拜謁文宣聞之喜笑日足得殺李家兒矣

李穆除原州刺史又以兄賢子為平高郡守遠子為平高縣令並加鼓吹穆自以叔姪一家三人皆牧宰鄉里思遇過隆固辭不拜太祖不許

王傑金城直城人仕西魏為驃騎大將軍孝閔踐作進爵張掖郡公增邑一千戶出為河州刺史朝廷以



傑勲望俱重授本州
馮遷閔帝時為晉公護府掾後以其朝之舊齒欲以
錦衣榮之乃授陝州刺史進爵隆山郡公增邑通前
二千戶遷本寒微不為時輩所重一旦刺舉本州唯
以謙恭接待鄉人無怨者
令狐整為中外府樂曹參軍時諸功臣多為本州刺
史晉公護謂整日以公勲望應得本州但朝廷藉公
委任無容遠出然公一門之內須有衣錦之榮乃以
弟休為燉煌郡守

劉雄臨洮子城人為內史大夫除候正高祖嘗從容

謂雄曰古人云富貴不歸故鄉猶衣錦夜遊今以卿
為本州何如雄稽首拜謝於是詔以雄為河州刺史
雄先已為本縣令復有此授鄉里榮之
柳敏河東解人年未弱冠起家員外散騎侍郎累遷
河東郡丞朝議以敏本邑故有此授

唐瑾為蔡州刺史歷柘州硤州轉荊州總管府長史
入為吏部中大夫歷御正納言中大夫曾未十旬遂
遷四職播紳咸以為榮

辛威隴西人為鄜州刺史時望既重朝廷以桑梓榮
之遷河州刺史本州大中正

薛慎為膳部下大夫慎兄善又任工部並居清顯時人榮之

王士良其先太原晉陽人後固避地涼州初仕齊為豫州刺史後歸周為鄜州刺史轉金州刺史士良去卿既久忽臨本州舊若故人猶有存者遠近咸以為榮

李遷哲安康人世為山南豪族後為車騎將軍從開封府賀若敦徇地巴濮以功除直州刺史即本州也仍給軍儀鼓節

柳檜為撫軍將軍大都督時檜兄虬為秘書丞弟慶

為尚書左丞檜嘗謂兄弟曰兄則職典簡牘褒貶人倫弟則管轄郡司服肱朝廷可謂榮寵矣然而四方未靜車書不一檜唯當蒙矢石履危難以報國恩耳
隋劉弘彭城人初仕北齊西楚州刺史及齊亡周武帝以為本郡太守
田式字顯搏馮翊下邳人祖安與父長樂仕魏俱為本郡太守式仕周又為本郡太守
蘇威煬帝時為納言與左翊衛大將軍宇文述黃門侍郎裴矩御史大夫裴蘊內史侍郎虞世基叅掌朝政時人稱為五貴從征遼東還至涿郡詔威安撫關



中以威孫尚輦直長儼爲副其子鴻臚少卿夔先爲
關中簡點大使一家三人俱奉使關右三輔榮之
樊子蓋廬江人爲武威太守朝於江都宮煬帝謂之
曰富貴不還故鄉真衣繡夜行耳勅廬江郡設三千
人會賜米麥六千石使謁墳墓宴故老當時榮之
來護兒江都人爲右翊衛大將軍煬帝幸江都謂護
兒曰衣錦晝遊古人所重卿今是也乃賜物三千段
并牛酒令謁先人墓宴鄉父老仍令三品已上並集
其宅酣飲一日朝野榮之

唐張鎮州同安人武德中爲舒州都督舒州卽本邑

也鎮州乃多市酒肴就望江禱宅盡召故人親戚與
之酣宴散髮箕踞敦疇昔之歡十日贈以金帛旣而
垂泣謂親賓曰此者張鎮州與故人爲歡今日已後
舒州都督治百姓耳君民禮隔不得交遊因與之訣
姜暮秦州上邽人武德初平薛仁果拜秦州刺史高
祖謂曰衣錦還鄉古人所尚今以本州相授用答元
功涼州之路近爲荒梗宜弘方略有以靜之暮至州
撫以恩信州人相謂曰吾輩復見太平官府矣盜賊
悉來歸首士庶安之

張士貴弘農盧氏人武德中以戰功授虢州刺史高

祖謂曰欲卿衣錦晝遊耳
溫大雅武德元年爲黃門侍郎弟彥將爲中書侍郎
列居近侍議者榮之高祖從容謂曰我起義晉陽爲
卿一門耳
張行成定州義豐人爲刑部侍郎太子詹事遼東之
役從太子於定州監國即行成本邑也太子謂行成
曰今者送公衣錦還鄉於是令有司祀其先人墓
薛收與從父兄子元敬俱爲文學館學士
賈敦實爲饒陽令時制大功已上不得聯職敦實兄
敦曠復爲瀛州刺史朝廷以其兄弟廉謹特許令同

州竟不遷替時人榮之
劉禘之爲左史弘文館直學士時又密令叅決以分
宰相之權時人謂之北門學士禘之兄懿之時爲給
事中兄弟並居兩省論者美之
帝承慶弟嗣立則天長壽中始代承慶爲鳳閣舍人
長安三年承慶又代嗣立爲天官侍郎頃之又代嗣
立知政事時以爲榮
蘇頲中宗神龍中累遷給事中加修文館學士轉中
書舍人時頲父瓌同中書門下三品父子同掌樞密
時以爲榮

賀知章為祕書監請度為道士求還鄉里天寶三載正月庚子遣左右相已下祖別於長樂坡帝賦詩以贈
 李峴信安王禕之第三子肅宗至德中為京兆尹兼御史大夫時峴兄峴為戶部尚書兼成都尹乾元初玄宗還京峴自蜀至又兼御史大夫兄弟俱判臺事自國初以來兄弟並拜大夫未有其比時長安士庶皆賦詩美之
 于休烈嗣子益次子肅相繼為翰林學士
 歸宗敬德宗興元初為散騎嘗侍宣慰兩河及還上

表請歸拜墓許之賜以繒帛儒者榮之
 楊懷賓與其子朝晟並為邠寧節度韓遊瓌裨將父子同軍皆為開府賓客御史中丞異姓王榮於軍中陸贄為翰林學士時贄母常氏在江東德宗遣中使迎至京師措紳榮之
 吳通微自壽安縣令入為金部郎中克翰林學士尋改職方郎中知制誥與弟通玄同職禁署人士榮之趙宗儒為右拾遺翰林學士父驥為祕書少監與父並命出於中旨當時榮之
 田弘正自魏博節度移統鎮冀其子希文為河陽三



城懷州節度父子同日拜命皆領節制
崔邠爲吏部侍郎兄弟同時奉朝請者四人後改太
嘗卿故事大卿初上大閱四部樂於官署觀者縱焉
邠自私第去帽親導母輦公卿逢者爲迴騎避之衢
路以爲榮
王鐔爲容管經嶺南淮南河中太原四任節度受符
節居方面凡二十餘年仍如同平章事
柳公綽爲吏部侍郎與舅左丞從同省人士榮之
孫德昭與孫承誨董從實以及正功德昭爲簡較太
保靜海軍節度使承誨邕州節度使從實容州節度

使並同平章事時人呼爲三使相思澤俱冠世
後唐張全義爲忠武軍節度使全義於本朝迨朱氏
之世自尚書僕射司空司徒平章事侍中守太師太
傅太保太尉中書令尚書令封王食邑至一萬三千
戶自維鄆陝滑宋三蒞河陽再領許州相繼十換麾
幢歷二十九任位冠人臣善保終吉者一人而已
李琪與兄班俱登進士第爲梁太祖所知及革命以
班爲崇政學士琪爲翰林學士昆仲並處禁林
康思立本出陰山諸部性純厚善撫御明宗素重之
故卽位之始以應州所生之地授焉

封舜卿爲中書舍人從子涓爲翰林學士叔姪對掌
內外制文從子翹仕梁亦爲翰林學士
晉劉昫初仕後唐爲兵部侍郎端明殿學士長與四
年行中書侍郎兼刑部尚書平章事入謝日遇大祠
明宗不御中興殿昫至中興殿門閣門使日舊禮宰
臣謝恩須於正殿通喚今日上以大祠不坐正殿請
候來日樞密使趙延壽日命相之制下已三日中謝
無宜後時即奏聞昫遂中謝於端明殿廷昫自端明
學士拜相而謝於本殿人士榮之
孔崇弼初仕後唐自吏部郎中授給事中時族兄昭

序繇給事中改左嘗侍兄弟同居門下時論榮之
王建立爲昭義軍節度使進封韓王仍割遼沁二州
爲昭義屬郡以建立本遼州人用成其衣錦之美也
漢龍敏幽州永清人也初仕後唐爲御史中丞敏父
咸式年七十咸式之父年九十餘敏供養二尊朝夕
無懈咸式以敏貴得祕書監致仕敏爲兵部侍郎奉
使幽州鄉里耆舊留宴盡歡

册府元龜

册府元龜

册府元龜

十九

世德 兄弟齊名 淮南李嗣京參閱 西極文翔鳳訂正 豫章黃國琦較釋

册府元龜

淮南李嗣京參閱

西極文翔鳳訂正

豫章黃國琦較釋

總錄部

十四

世德 兄弟齊名

世德

詩曰維其有之是以似之傳曰世濟其美不隕其名 斯皆錫羨餘慶象賢秉哲奕世載德克篤前烈之謂 也中代已降宗胄派別家聲系譜參諸簡册乃有學

古從政繼志隆業貞固以幹事端謹而植操篤守忠孝敦尚儒雅方正無撓謙恭不競奉身以約處衆以廉行能傑出知用周達義風英烈耀映前後以至爵秩通貴名望充塞無忝爾祖能世其家業素彌邵淑穀載路爲論者之歎服增士倫之景行信可以懲激凶族而敦厲衰緒者矣

隰叔子違周難於晉國生子輿爲大理

士薦也

以正於

朝朝無姦官爲司空以正於國國無敗績世及武子

佐文襄於諸侯諸侯無二心

士薦生成伯
缺歎生士會

漢石奮孝又時官至大夫恭謹學無與比長子建次

乙次慶皆以馴行孝謹至二千石

金日磾武帝時爲侍中著忠孝節日磾子安上少亦

爲侍中惇篤有智安上子敞元帝時爲中郎將侍中

帝晏駕故事近皆隨陵爲園郎敞以世名忠孝太后

詔留侍成帝爲奉車水衡都尉敞爲人正直敞子涉

明經節儉諸儒稱之官至長信少府

王崇爲大司空御史大夫駿之子昌邑中尉吉之孫

也自吉至崇世名清廉然材器名稱稍不能及父而

祿位彌隆

翟方進經學明習內行脩飾成帝時爲丞相子宣亦

明經篤行君子人也及方進在為關都尉南郡太守

言方進未死之時宜已為此官方進少子義所居著名有父風烈

後漢廉范曾祖父棗成棗間為右將軍祖父丹王莽

時為大司馬庸部牧皆有名前世

陸康字季寧吳郡吳人父棗有志操連徵不至康少

仕郡以義烈稱

桓榮子郁郁孫鸞曾孫彬郁中子焉孫典鸞孫曄郁

孫麟並有名行自榮至典父子兄弟代作帝師

爰延清苦好學能通經教質慤少言桓帝時位大鴻

臚子驥白馬令亦稱善士

郭賀字喬卿雒陽人祖父堅伯父游君並脩清節不

仕王莽

周舉子總曾祖父楊至總孫恂六世一身皆知名舉

官終光祿大夫

仇覽王子皆有文史才少子玄最知名覽嘗為考城

主簿

陳球歷世著名為永樂少府球子瑀吳郡太守瑀弟

琮汝陰太守弟子珪沛相珪子登廣陵太守並知名

謝承後漢書陳瑀舉孝廉辟公府雒陽市長後辟太尉府未到永漢元年就拜議郎遷吳郡太守不之官

球兄子珪字漢瑜舉孝廉劇令去官舉茂才濟北相珪子登字元龍學通今古處身循理非法不行性兼

文武有雄姿異畧領廣陵太守魏志曰珪在廣陵有威名有功加伏波將軍年四十卒

楊震少子奉奉子敷篤志博聞議者以為能世其家

震中子秉秉子賜賜子彪自震至彪四世大尉德業

相繼與袁氏俱為東京名族 華嶠書曰東京楊氏袁氏累世宰相為漢名族

然袁氏車馬衣服極為奢僭能守家風為世所貴不及楊氏也

伏湛瑯琊東武人九世祖勝所謂濟南伏生者也湛

光武時為大司徒封陽侯卒二子隆翁嗣爵卒子光

嗣光卒子晨嗣晨卒子無忌嗣無忌卒子質嗣質卒

子完嗣自伏生以後世傳經學清靜無競故東州號

為伏不鬪

徐穉字孺子豫章南昌人恭儉義讓所居服其德屢

辟公府不起卒子裔篤行孝弟亦隱居不仕

陳禪巴郡安漢人仕郡功曹舉善黜惡為邦內所畏

至順帝時為司隸較尉子澄有清名官至漢中太守

曾孫寶亦剛壯有禪風為州別駕從事顯各州里


李固漢中南鄭人父邵為司徒邵通五經外質朴人

莫識固窺覽墳籍結交英賢四方有志之士多慕其

風而來學京師咸歎曰是復為李公矣言繼其父為

公冲帝即位以固為太尉與梁冀叅錄尚書事及帝

晏駕固以清河王蒜年長有德欲立之冀不從乃立



樂安王子續年八歲號為質帝固子燮為安平歲相先是安平王續在國無政為妖賊角所畧國家贖王得還朝廷議復其國燮上奏曰續在國無政為妖賊所虜守藩不稱損辱聖朝不宜復國時議者不同而續竟歸藩燮以謗毀宗室輸作左較未消歲王果坐不道被誅乃以燮為議郎京師語曰父不肯立帝子不肯立王

吳祐長子鳳官至樂浪太守少子愷新息令鳳子馮

嗣陽侯伯嗣陽縣屬汝南郡皆有名於世陳留耆舊傳曰鳳字君雅馮字子高

陳寔為太丘長子紀為大鴻臚紀子群魏司空群子

秦為左僕射四世於漢魏二朝並有重名而其德漸

漸小減時人為之語曰公慙卿卿慙長紀弟諶字季

方與紀齊德同行父子並著高名時號三君每宰府

辟召嘗同時旌命羔雁成群當世者靡不榮之諶早

終先賢行狀曰豫州百城圖畫寔紀諶形像焉

荀淑字季和潁川潁陰人少有高行博學而不好章

句鄉里知名有子八人號曰八龍緄生衍衍子紹位

至太僕紹子融字伯雅與王弼鍾會俱知名為雒陽

令參大將軍軍事與弼會論易著義傳於世荀氏家傳曰曄

字長倩侯字叔靖詵字曼倩侯子寓字景伯世語曰寓少與裴指王戎杜默俱有名京邑仕晉位至尚書



名甚顯著子嗣位至尚書

魏鮑勛漢司隸較尉宣之九世孫勛父信靈帝時為騎都尉信父丹官至少府侍中世以儒雅顯

袁渙陳郡扶樂人漢司徒滂之子滂素寡慾終不言人之短渙清淨舉動必以禮太祖時為郎中令行御

史大夫事渙子侃亦清粹閑素有父風歷位郡守尚

書袁氏世紀曰渙有四子保寓與準侃字公然論議清當柔而不犯善與人交在廢興之間人之所趣務者嘗謙退不為也時人以是稱之歷位黃門選部郎考為清平稍遷至尚書早卒寓字宣厚精辯有機

理好道家之言少被病求官而卒與字公榮行足以厲俗言約而理當終於光祿勳準字孝尼忠信公正不耻下問唯恐人之不勝已以世事多險政嘗恬退而不敢求進者書十餘萬言論治世之務為易周官

詩傳於世此準之自序也荀綽九州記稱準有雋才秦始中為給事中袁氏子孫世有名位貴達至今

劉馥沛國相人漢末為揚州刺史子靖文帝黃初中為鎮北將軍靖子熙嗣建成鄉侯熙弟弘晉武帝為

車騎大將軍自馥至弘世不曠名而有政事才

劉邠本名炎犯晉太子諱改邠位至太子僕子粹字

純嘏至侍中次宏字終嘏至太嘗次漢字仲嘏至光

祿大夫漢清冲有貴識名亞樂廣宏子咸徐州刺史

次耽晉陵內史耽子恢字真長尹丹陽中興名士也

管寧北海朱虛人齊相管仲之後其先田氏有齊而

管仲去之或適魯或適楚漢興而管少卿為燕令始



家朱虛世有名節九世而生寧正始中特具安車蒲
 輪束帛加璧聘焉會寧卒
 鄭渾字文公河南開封人高祖父衆為漢太師衆父
 興為諫議皆為名儒渾官至侍御史加駙馬都尉為
 陽平沛郡二太守
 蜀張翼犍為武陽人高祖父司空浩曾祖父廣陵太
 守綱皆有名迹翼位至左車騎將軍領冀州刺史
 譙周巴西西充國人也貌體專朴椎誠不飾潛識內
 敏晉泰始中拜騎都尉少子同亦以忠篤質素為行
 舉孝廉

謝炤幼以仁孝為行明達有才令弟貞履蹈法度篤
 學尚義舉孝廉
 吳虞翻會稽餘姚人官至騎都尉子汜最知名為散
 騎嘗侍汜弟忠貞固幹事為宜都太守忠子潭字思
 奧清身有簡操外如退弱內堅正有膽幹仕晉歷位
 內外終於衛將軍
 賀齊為將子達及景皆有令名為佳將
 陸遜吳郡吳人為上大將軍祖紆字叔盤敏淑有思
 學守城門較尉父駿字季才淳懿信厚為邦族所懷
 官至九江都尉

晉華表平原高唐人父歆清德高行爲魏太尉表以
苦節垂名官至太嘗卿子廙弘敏有才義廙位光祿
大夫開府儀同三司弟嶠才學深博少有令問爲內
臺中書散騎著作廙子混清真簡正位至侍中尚書
羊祐字叔子泰山南城人世吏二千石至祐九世並
以清德聞祖續仕漢南陽太守父衛上黨太守祐位
征南大將軍
胡威父質以忠清著稱仕魏至荊州刺史威早厲志
尚質之爲荊州也威自京定省十餘日告歸父賜絹
一疋爲裝威曰大人清高不審於何得此質曰是吾

俸祿之餘感受之其父子清慎如此

盧欽范陽涿人位尚書僕射祖植性剛毅有大節爲
漢侍中父毓魏司空少居各位不顧財利清虛淡泊
動循禮典欽清澹有遠識

范粲字承明陳留外黃人漢萊蕪長丹之孫也高亮
貞正有丹風

束皙字廣微祖混隴西太守父龕馮翊太守並有譽
名

韓壽魏司徒暨之孫待御史洪之子自暨以下世治
素業壽能敦尚家風

龔玄之武陵漢壽人也好學潛默州舉秀才公府辟不就武帝詔徵散騎嘗侍領國子祭酒不行弟子元壽亦有德操高尚不仕舉秀才及州辟召並稱疾不就帝以太學博士散騎侍郎給事中累徵遂不起許奇字子泰弟猛子豹魏尚書允之子也並有治理才學奇爲司隸較尉猛爲幽州刺史奇子遐字思祖以清尚稱位至侍中猛子式字儀祖有才幹至濮陽內史平原太守裴秀河東聞喜人時稱後進領袖位僕射秀子頽雅有遠識爲僕射頽子嵩有父祖風

庾峻潁州鄆陵人也祖柔才學洽聞漢司徒辟有道徵皆不就伯父嶷中正簡素仕魏爲太僕父道廉退貞固養志不仕牛馬有蹠齧者恐傷人不貨於市及諸子貴賜拜大中大夫峻少好學有才思嘗游京師魏散騎嘗侍蘇林老疾在家往候之林嘗就乘學見峻流涕良久曰尊祖高才而性退讓慈和汎愛清靜寡慾不營當世惟脩德行而已鄆陵舊五六萬戶聞今裁有數百君二父孩抱經亂獨至今日尊伯爲當世令器君兄弟復俊茂此尊祖積德之所繇也位至嘗侍

潘尼位太嘗卿祖曰助漢東海相父滿平原內史並以學行稱

郭荷字承休雒陽人六世祖整漢安順之世公府八辟公車五徵皆不就自整及荷世以經學致位荷明究群籍特善史書不應州郡之命

楊佺期弘農華陰人漢太尉震之後曾祖準為太嘗自震至準七世有名德

祖林少有才望值亂沒胡父亮少仕僞朝後歸國終於深州刺史以貞幹知名

袁質陳郡陽夏人五世祖渙魏郎中令自渙至質並

以道素繼業惟其父耽以雄豪著質又以孝行稱歷瑯琊內史東陽太守

劉邁現之祖也有經國之才為相國叅軍散騎嘗侍現父蕃清高冲儉位至光祿大夫

淵奮寵之孫也寵仕魏為太尉奮官至尚書令司隸較尉性清平有識簡體量通雅有寵風

吳隱之為廣州刺史清操踰厲嘗食不過菜及乾魚而已子延之復厲清操為鄱陽太守延之弟及子為郡縣者嘗以廉慎為門法雖才學不逮隱之而孝悌潔敬猶為不替

王承字安期父湛祖昶自昶至承世有高名論者以爲祖不及孫孫不如父承爲元帝鎮東府從事中郎而卒

孔愉字敬康會稽山陰人其先世居梁國曾祖潛太子少傅漢末避地會稽因家焉祖竺吳豫章太守父恬湘東太守從兄侃大司農俱有名江左

瞿陽潯陽人也篤行純素仁讓廉潔康帝以散騎嘗侍徵不至莊公車徵不至莊子矯亦有高操屢辭辟命矯子法賜孝武帝以散騎郎徵亦不至世有隱行戴逵累徵散騎嘗侍不就逵卒長子勃有父風安帝

義熙初以散騎侍郎徵不起

范宣高潔不就徵嘗以講誦爲業子輯歷守國子博士大將軍從事中郎自免歸亦以講授爲事義熙中連徵不至

宋袁湛字士深陳郡陽夏人也祖耽歷陽太守父質瑯琊內史並知名

南齊劉瓛沛國相人也晉丹陽尹惔六世孫惔少清遠有摯寄爲政清整瓛舉秀才丹陽尹袁粲於後堂夜集瓛在坐粲指庭中柳樹謂瓛曰人謂此是劉尹時樹每想高風今復見卿清德可謂不衰矣



潘詞爲高平太守有清節子亮爲昌慮令亦著廉名
郭原平有孝行爲鄉里所宗父世道亦以至行旌表
門閭原平三子一弟並在門行長子伯林舉孝廉次
子靈馥舉儒林祭酒皆不就
王秀之祖裕性貞正徐羨之傳亮當朝裕不與來往
及致仕隱吳興與秀之父瓚之書曰吾欲使汝處不
競之地瓚之歷官至五兵尚書未嘗一詣朝貴江湛
謂何偃曰王瓚之今便是朝隱及柳元景顏師伯令
僕貴要瓚之竟不候之至秀之爲尚書又不與令王
儉款接三世不事權貴時人稱之

梁劉敞字士光祖乘民宋冀州刺史父懷慰齊正員
郎世爲二千石皆有清名

王志字次道瑯琊臨沂人祖曇首宋左光祿大夫豫
寧文侯父僧虔齊司空簡穆公並有重名

謝朓字敬冲陳郡陽夏人也祖弘微宋太嘗卿父莊
右光祿大夫並有名前代

傅岐字景平北地靈州人祖琰齊世爲山陰令有治
能自縣擢爲益州刺史翹武帝時歷山陰建康令亦
有能名官至驃騎諮議

陳張稚才少孤介特立爲太嘗卿子周還爲司農廷

尉卿所歷並以清白稱

蕭弘宗族子弟多以德行知名弟彤以悟靜好學官至太子中庶子南康王長史密字士機幼而聰敏博學有文詞祖琛梁特進少而朗悟有縱橫才弘為吏部郎中

後魏穆壽父觀封宜都王明元時總攝朝政事無巨細皆關决焉壽明敏有父風太武愛重之擢為下大夫

張蒲字玄則河內脩武人父攀慕容垂御史中丞其部尚書以清方稱蒲少有父風頗涉文史以端謹見

知為相州刺史卒

盧度世字朔將軍兼散騎嘗侍玄之子也少以學行為時流所重子淵昶等並循父風遠親疎屬叙為尊行長者莫不異拜致敬閨門之禮為世所推度世為青州刺史卒

後周張元字孝始河北芮城人祖成假平陽郡守父廷雋仕州郡累為功曹主簿並以純至為鄉里所推元性謙謹有孝行不仕而卒

王褒字子淵曾祖儉齊侍中太尉南昌文尉公祖騫梁侍中金紫光祿大夫南昌安侯父規梁侍中左民

尚書南昌章侯並有重名於江左褒位至宜州刺史
唐蕭德言曾祖恩詒齊尚書右僕射祖介梁都官尚
書父弘陳吏部侍郎並有名當代德言官終銀青光
祿大夫

虞世南字伯施越州餘姚人祖簡梁始興王諮議父
荔陳太子中庶子俱有重名世南終秘書監

褚亮字休明爲銀青光祿大夫弘文館學士曾祖湮
梁御史中丞祖蒙太子中書舍人父玠陳祕書監並
著名前史

韋虛心父維爲左庶子伯溱河南尹皆以忠正聞處

心舉孝廉累至侍御史中宗時推按大尉時僕射竇
懷忠侍中劉幽求意欲寬假虛心堅執法令有不可
奪之志

于休烈官至工部尚書卒嗣子益次子肅相繼爲翰
林學士父子儒行著聞肅子敖以家世文史盛名志
行三爲列曹侍郎

崔渙博陵人祖玄暉父瓌並先朝名臣渙少以士聞
博綜經籍尤善談論累遷尚書司門員外郎

楊綰字公權華陰人祖溫玉則天朝爲戶部侍郎國
子祭酒父侃開元中醴泉令皆以儒行稱綰終於相

世德 卷之七十一

位

穆贊河南人父寧有名節贊雅嗣其門風終於宣州觀察使

李潘少恬淡脩簡雅容儀好學祖奢及曾祖至遠皆以志行名重一時父承為湖南觀察使亦有名潘為相終

高霞寓范陽人祖先父栖鶴皆以孝聞凡五代同舉德宗朝採訪使洪經綸奏旌表其門至今鄉里共稱其事霞寓位至右金吾衛大將軍蕭俛官至左僕射致仕家代有忠節祖父國初宋國

公瑀肅宗朝徐國公華德宗門下侍郎平章事復悉以剛鯁不附權倖戴名國史至俛之行止當澆末豈競之俗可謂剋被當時比肩於前代各臣薛廷老故給事中存誠之子存誠憲宗時有重名廷老少有令譽頗得父風文宗初為右拾遺後唐崔協曾祖邠為太嘗卿祖權吏部尚書咸有名德朝議稱仰協終相位

晉鄭受益唐宰相餘慶之曾孫也餘慶生澣澣生從謹從謹兄處誨汴州節度使家襲清儉深有士風中朝禮法以鄭氏為甲處誨生受益受益亦以文學身



累歷臺閣

兄弟齊名

天以剛健純粹之氣賦于人者幾希而昆弟競爽益為希矣乃有善慶之胃髦英間出同氣至親馳轂並驚或以行義著或以才藻聞或以吏幹俱任或以武經偕用或孝友藹於宗黨或風規邁於儕伍詵詵之盛幾至於七八者焉詩曰原隰裒矣兄弟求矣蓋原隰相聚而能定高下之名兄弟相求亦能立榮顯之譽三代而下咸用詮次焉

周有八士伯達伯适仲突仲忽叔夜叔夏季隨季騫


周時四乳生八子皆為顯士

蘇秦弟蘇代蘇厲兄弟三人皆游說諸侯以顯秦終於齊相

漢季布楚人為任俠有名弟季心氣蓋關中遇人恭謹為任俠當是時季心勇布以諾聞關中布位河東守

馮立與兄野王相代為西河上郡太守民歌之日大馮君小馮君兄弟繼踵相因循聰明賢知惠吏民政如魯衛德化約周公康叔猶二君

鄭昌字次卿弟弘字穉卿俱明經通法律政事昌為



太原涿郡太守弘為南陽太守皆著治迹條教法度為後所述

後漢馬嚴字威卿援之子任郡督郵援嘗與計議委以家事嚴弟敦字孺卿亦知名援卒後嚴乃與敦俱歸安陵居鉅下三輔稱其義行號曰鉅下二卿

韋義字季卿京兆杜陵人兄順字叔文為平輿令有高名次兄豹字季明累辟公府最以事去義少與二兄齊名

賈彪字偉節兄弟三人並有高名而彪最優故天下稱曰賈氏三虎偉節最怒彪位新息長

劉才寵之弟為山陽太守有二子岱字公山繇字正

禮兄弟齊名稱

平原陶正洪薦繇欲今舉茂才刺史日前年舉公山今何復舉正禮洪曰

若使明君用公山於前擢正理於后所謂御二龍於長途騁騏驎於千里不亦可乎

荀淑字季和為朗陵令有子八人儉緄靖燾注爽肅專並有名稱時人謂八龍或問汝南許章曰爽與靖

孰賢章曰皆玉也慈明外朗叔慈內潤

慈明爽字叔慈靖字

許劭字子將潁川平輿人與兄虔並知名汝南人稱

平輿淵有二龍馬

平輿故城今潁川汝陽縣東北有二龍鄉月旦里

又劭與

從兄靖少俱知名並有人倫臧否之稱劭司空楊彪辟舉方正敦樸皆不就

陳紀及弟謔皆有盛名冠當時位大鴻臚

魏司馬朗字伯達懿字仲達孚字叔達旭字季達恂

字顯達進字惠達通字雅達敏字要達俱知名故時

號為八達焉朗位兖州刺史

應劭弟恂子瑒瑒弟璩咸以文章顯劭位袁紹軍謀

較尉

蜀諸葛喬字伯松亮兄瑾之第二子也本字仲慎與

兄元遜俱有名於時論者以謂喬才不及兄而學業

過之喬後拜駙馬都尉

李朝字偉南弟邵字永南又一弟早亡各有才望時

人號之李氏三龍

馬良字季常襄陽宜城人兄弟五人並有才名鄉里

為之諺曰馬氏五嘗白着最良良着中有白毛故以

稱之良位侍中

晉繆休祖安平獻王外孫也與從兄播名譽略齊休

祖位太僕卿

張載字孟陽弟協字景陽亢字季陽皆有重名亢才

藻不遠二昆亦有屬綴又解音樂伎術時人謂之三

張載位中書侍郎

陸機字士衡弟雲字士龍吳丞相抗之子兄弟齊名

雲雖文章不及機而持論過之號曰二陸太康末與弟雲俱入雒造太嘗張素重其名如舊相識曰伐吳之役利獲二俊機位平原內史

武陵字元夏沛國竹邑人沉敏有識量早獲時譽與二弟韶叔夏茂季夏並總角知名雖諸父兄弟及鄉閭宿望莫能覺其優劣同郡劉公榮有知人之鑒嘗造周周見其三子焉公榮曰皆國士也元夏最優有輔國之才陳力就列可為亞公叔夏季夏不減嘗伯納言也陵位開府儀同三司求哲字廣微博學多聞與兄璆俱知名哲位尚書郎

王導二弟穎敞少與導俱知名時人以穎方溫太真

以敞比鄒伯導導位至丞相

胡奮兄弟六人兄廣弟烈並知名廣字宣祖位至散

騎嘗侍少府

溫羨字長卿兄弟六人並知名於世號曰六龍羨位

至司徒

劉宏字終嘏為光祿勳兄粹字純嘏為侍中弟潢字

仲嘏為吏部尚書並有名中朝時人語曰雒中雅雅

有三嘏

桓嗣字恭祖征西大將軍豁弟冲之子少有清譽與

州府... 兄弟齊名

豁子石秀並為桓氏子姪之冠嗣位江夏相
顏含三子髦為侍中光祿勳謙至安成太守約零陵
太守並有聲譽
荀問荀邃大寧中過江明帝嘗從容問王廙曰二荀
兄弟孰賢廙荅以闇才明過邃帝以語庾亮曰邃真
粹之地亦闇所不及爾是議者莫能定其兄弟優劣
卞粹字玄仁以清辨鑒察稱兄弟六人並登宰相府
世稱卞氏六龍玄仁無雙
解系二及弟結育並清身潔已甚得聲譽系至雍州
刺史

王珣小字法護弟珉小字僧彌少有才藝善行書名
出珣右時人為之語曰法護非不佳僧彌難為兄珣
位散騎嘗侍

孔安國廣州刺史注之弟年少諸兄三十餘歲群從
諸兄並乏才名以富彊自立唯安國與注少厲孤貧
之操注既以直亮稱安國亦以儒素顯安國位至左
僕射

宋王球字倩王瑯琊臨沂人太嘗惠從父弟與惠齊
名球位尚書僕射
張暢字少微吳郡人少與從兄敷齊名為後進之秀

冊府元龜 總錄部 卷之三百八十三 二十

州府元龜 兄弟齊名 卷之七十八

暢位會稽太守

張岱吳郡人少與兄太子中書舍人演新安太守鏡
征北將軍承弟廣州刺史辨俱知名謂之張氏五龍
演鏡名最高永辨岱不及也

劉善明為青冀二州刺史弟僧副與善明俱知名於
州里

戴法興二兄延壽延興並脩立延壽善書法興好學
山陰有陳戴者家富有錢三十萬鄉人咸去戴碩子
二兒敵陳戴三十萬錢法興位越騎較尉
南齊沈冲與兄淡淵名譽有優劣世號為腰鼓兄弟

冲位五兵尚書

陸惠曉三子僚任倅並有美名時人謂之三陸初授
惠曉交州三子依次第各作一讓辭並雅麗時人歎
服

梁張稷性疎率朗悟有子路與族兄充融卷等俱知
名時稱之曰充融卷稷是為四張稷位鎮北將軍
樂法才字元簡幼與弟藏俱有美名法才位江夏太
守

到溉少孤貧與弟洽俱聰敏有才學早為任昉所知
繇是聲名益廣溉位散騎嘗侍事



韋叡與兄纂聞並早知名叡位護軍

王筠字元禮清淨好學與從兄泰齊名陳郡謝覽覽

弟舉亦有重譽時人爲之語曰謝有覽舉王有養炬

炬是泰養郎筠並小字也位太子詹事

謝舉字言揚中書令覽之弟也幼好學能清言與覽

齊名覽嘗侍宴華林園高祖問舉於覽覽對曰識藝

過臣甚遠唯飲酒不及於臣高祖大悅江淹一見並

相欽挹曰所謂馭二龍於長途者也舉位尚書令

劉孝綽之弟孝勝與兄孝儀弟孝威孝先並善五言

詩見重於世孝綽嘗云三筆六詩三郎孝儀六謂孝威也孝綽文與從弟

孺苞齊名苞早卒孺亦貴顯孝綽位秘書監

蕭子範少與弟子顯子雲才名略相比而風彩容止

不逮故宦途有優劣每讀漢書杜綬兄弟五人至大

官唯中弟欽官不至而最知名嘗吟諷之况已也子

範位光祿大夫

江革爲征北記室參軍弟觀爲行參軍兼記室時吳

興沈約樂安任昉並相賞重昉與革書云此段雍府

妙選英才文房之職總卿昆季可謂馭二龍於長途

騁騏驥於千里

柳惔世隆之子少與長兄悅齊名王儉謂人曰柳氏



二龍可謂一日千里儉為尚書左僕射嘗造世隆宅
 世隆謂為詣已徘徊久之及至門唯求悅及見悛遣
 謂世隆曰賢子俱有盛才一日見顧今故報禮若仍
 相造似非本意恐年少窺人悛位祕書監
 裴子野字幾原河東聞喜人兄黎弟楷綽並有盛名
 所謂四裴也子野位鴻臚卿

徐嗣徽及弟宗並有武用
 王銓雖學業不及弟錫而孝行齊焉時人以為銓錫
 二王可謂玉昆金友錫位至吏部郎中
 顧恂二子之儀之推並早知名之推承聖中任中書

舍人

薛暉為領軍將軍有六子子建子尚知名

岑善方為起部尚書有七子並有操行之元之利之

象最知名

陳陸瑜字幹玉少篤學美詞藻為東宮學士兄琰時
 為管記並以才學娛侍左右時人比之二庶

杜崩兄弟五人兄嵩岑嶷巖岸及弟幼安並知名當

世崩位江州刺史

後魏高湖字大淵渤海衛人少機敏有器度與兄韜
 俱知名於時雅為鄉人崔暹所敬異湖位至寧西將

軍

尉地干為侍輦郎奉上忠謹弟侯頭襲地干職為庫部尚書侯頭弟九斤亦以忠謹聞歷位御史中尉李順與從兄靈從弟孝伯並以學識器業見重於時故能砥礪宗族競各脩尚順位安西將軍陸偉字道暉與弟恭之並有時譽雒陽令賈禎見其兄弟嘆曰僕以年老更觀雙璧又兄弟共候黃門郎孫惠蔚謂諸賓曰不意二陸復在坐隅吾德謝張公無以延譽

劉休賓字處幹北海人少好學有文才兄弟六人乘

民延和等皆有時譽休賓位懷寧令

陽鳴鶴與弟季智俱有名於時前後並為幽州司馬

崔勵為中書侍郎與從兄鴻俱知名於世

崔亮字敬儒為散騎嘗侍有三子士安士和士泰並以彊幹善於當世士安位諫議大夫

尹循為太原太守弟家遠西太守兄弟皆有政事才

揚大眼有三子長醜生次領軍次征南皆潘氏所生氣幹咸有父風大眼位荊州刺史

高崇為雒陽令子謙之為河陰令損益治體名為故事謙之弟道穆為御史亦有能名

事謙之弟道穆為御史亦有能名

北齊李瑾六子彥之情之壽之禮之行之凝之並有
氣望行之與兄弟淨相友愛又風素夷簡為士友所
稱范陽盧思道是其舅子嘗贈詩云水衡稱逸人潛
揚有世親形骸預冠蓋心思出風塵時人以為實錄
瑾位至光祿大夫

司馬子結兄弟三人皆涉文學陽休之收西交子廉
子尚子結與諸朝士各有詩言贈陽摠為一篇酬答
郎詩云三馬俱白看者子結為南陽王晉記
王昕兄弟九人並風流蘊藉世號王氏九龍位銀青
光祿大夫

盧叔武與兩兄觀仲並以文章顯於雒下叔武為散
騎嘗侍

韋道遜與兄道密道建道儒並以文章知名位右光
祿大夫

宋世良與弟世軌俱有孝友之譽

後周裴寬儀貌瓌偉博涉群書弱冠為州里所稱與
二弟漢尼並知名寬位涉州刺史

寇雋字祖雋上谷昌平人性寬雅幼有識量好學強
記兄祖訓祖禮及雋並有志行雋位驃騎將軍

蘇亮少與從弟綽俱知名然綽文章稍不逮亮至於

經書進趣亮又減之故世稱二蘇亮弟湛字景雋少
有志行與亮俱著名西土亮位衛將軍南汾州刺史
隋杜正玄字慎徽鄴人聰敏博涉多通弟正臧字爲
善好學善屬文兄弟數人俱未弱冠並以文章才辯
籍甚三河之間大業中應詔舉秀才兄弟三人一時
詣闕論者榮之正玄位豫章王記室

尹正卿弟彥卿河間人俱有雋才名德顯於世

賀德仁越州人少與兄德基俱事國子祭酒周弘正
咸以詞學見稱時人語曰學行可師賀德基文質彬
彬賀德仁兄弟八人時人方之荀氏德仁弟子紀設

亦以博學知名德仁爲趙王友

盧昌衡字子均小字龍子風神澹雅容止可法博涉
經史工行草書從弟思道小字釋奴宗中俱稱英妙
故幽州爲之語曰盧家千里釋奴龍子昌衡位太子
左庶子

唐虞世南初仕陳爲西陽王友陳滅與兄世基同入
長安俱有重名時人方之二陸
郎餘令祖楚之少與兄蔚之俱重名隋大業中蔚之
爲左丞楚之爲尚書民曹郎煬帝重其兄弟稱爲二
郎

溫彥博兄弟三人父友薛道衡李綱見之日皆鄉相才也彥博位至中書侍郎

薛萬徹父世雄大業末卒於涿郡太守萬徹少與兄萬均隨父幽州俱以武略為羅藝所親待位寧州刺史

杜正倫相州洹水人隋仁壽中與兄正玄正裁俱以秀才擢第才摠十人正倫一家有三秀才甚為當時稱美仕至中書令
張昌宗冀州南宮人少與兄昌齡俱以文詞知名昌宗位至春官侍郎

溫大雅性至孝少好學以才辯知名季弟大有字彥將聰明好古幼有令譽才學亞於二昆而篤行過之大雅位右僕射

唐臨與兄皎俱有令名皎歷位吏部侍郎臨亦以文吏著稱為吏部尚書

王勣與兄勳俱稱少俊父友考功員外郎杜易簡嘗稱曰此王氏三珠樹也勣位魏州叅軍

賈敦實為雒州長史初敦實兄敦頤為雒州刺史甚有惠政百姓共樹碑于大市通衢及敦實去職復刻石頌其德政立於兄碑之側故時人呼為棠棣碑焉

韋斌郇國公安石之子早脩整遊心文藝與兄陟齊名斌位至臨安太守

楊慎矜父崇禮太府卿二十餘年時議稱職及崇禮罷太府玄宗訪堪委其父任者宰臣稱慎矜慎餘慎名三人皆勤恪清白有父風時慎矜汝陽令有能名因召拜監察御史知太府出納慎餘授太子舍人監倉尋丁父憂服闋累遷侍御史仍知太府出納慎名授大理評事攝監察御史充含嘉倉出納使甚承恩顧慎矜在臺數年風格甚高遷擢判御史中丞充京畿採訪使太府出納如故

盧奕黃門監懷慎之少子也與其兄魚齊名謹愿寡恐不尚輿馬克已自勵開元中任京兆司錄參軍天寶初爲鄆縣令兵部郎中所歷有聲皆如魚之所歷王之戚爲長安縣尉與昆弟之瀆之渙皆善屬文王維與弟縉皆才秀以詞學齊名維位尚書右丞張知騫家于岐與兄知立知晦弟知泰知默勵志讀書皆明經擢第位大理卿致仕
辛雲京河西之大族代掌戎族兄弟數人並以將帥知名雲京仕至河東節度使

蔣沆爲監察御史與兄演溶弟清俱以幹局吏事擅

能名於天寶中長吏韓明宗裴迥咸以推覆簡勾之任委之處事平允割斷精當動爲群僚楷式

路敬淳與弟敬潛俱早知名敬淳位太子司議郎

陸象先爲太子少保弟景倩爲監察御史景融歷左

右丞工部尚書景獻屯田員外郎景喬庫部郎中皆

有美譽僧一行少時嘗與象先昆弟相善嘗謂人曰

陸氏兄弟皆有才行古之荀陳無以加也其爲當時

所稱如此

孫成幼涉學兄宿絳早知名位至桂州刺史

柳渾初名載少孤志學工爲文章與兄識齊名位至

兵部侍郎平章事

吳通玄與兄通微俱博學善屬文詞彩綺麗通玄幼

應神童舉建中初策賢良方正等科通玄應文詞清

麗登乙第皆以文學知名同爲翰林學士

蘇弁與兄冕皆以友悌儒學稱弁位杭州刺史

楊穎字虛受弘農人工文詞少負氣節與母弟凝凌

相友愛皆有時名位京兆尹

韋綬爲翰林學士其弟纁有精識奧學爲士林所器

故其兄弟令稱推於一時

柳登字成伯右司郎中集賢學士芳之子少嗜學其

弟福建觀察使晃咸以該博著稱位右散騎嘗侍致仕

崔鄆與兄邠等皆有令譽而鄆疎財恢廓弟兄所不及位為浙西觀察使

馮定與兄宿皆有文學而定過之貞元中皆舉進士時人比以漢朝二馮君定位至工部尚書致仕

李景儉弟景儒景信景仁皆有藝學知名於時景信景仁皆登進士第

穆寧子贊質員賞質兄弟俱有令譽而和粹世以滋味目之贊俗而有裕為酪質美而多文為酥員為醪

酬賞為乳腐近世士大夫言家法者以穆氏為高寧位祕書監致仕

崔瑄弟珙琮璪璵璠璣兄弟八人皆至達官時人以比漢之荀氏號曰八龍

後唐李琪十三為賦頌舉進士擢第琪兄璉亦登進士第才藻富贍兄弟齊名琪位太子少傅致仕

劉昫字輝達涿州歸義人也兄暉弟皞俱有鄉曲之譽昫位平章事

趙光裔光逢之弟俱以詞藝知名登進士第光裔仕梁歷清顯官伯仲之間咸以方雅自高北人聞其名

冊府元龜 總錄部 卷之七百八十三 三十一

者皆望風欽重光喬位至平章事

任園京兆三原人祖清成都省父茂弘避地太原奏

授西河令有子五人曰圖圉團團囟風彩俱異圖位

平章事

周竇禹鈞有子五人儀儼侃儻僖皆擢進士第禹鈞

任澶州廉判時馮道贈詩云澶察竇中郎於家有義

方靈椿一樹老仙桂五枝芳



